




# Godišnji izvještaj



A large, solid red rectangular block is positioned in the center-left of the page, partially embedded in a light gray, three-dimensional geometric base. The base consists of several light gray triangular and rectangular facets that create a sense of depth and perspective. In the bottom right corner of the base, the year "2015." is printed in a dark blue, sans-serif font.

2015.

## O NAMA

**Udruženje Vesta** je nevladina, nestranačka i neprofitna organizacija koja podržava i doprinosi profilisanom djelovanju OCD i drugih razvojnih aktera u izgradnji demokratskog društva koje baštini europske vrijednosti.

Naša **vizija** podrazumjeva društvo aktivnih građana koji koriste Vestu za detekciju, iniciranje i reagiranje na potrebne društvene promjene.

### Udruženje je strateški usmjereno na:

- ⊕ podršku razvoju sistema društveno-odgovornog djelovanja javnih institucija i pokretanje drugih razvojnih inicijativa koje kreiraju pretpostavke za izgradnju demokratskog i građanskog društva.
- ⊕ facilitaciju procesa uključivanja svih relevantnih interesnih strana u detekciju i analizu problema, te u aktivnosti javnog zagovaranja identifikovanih riješenja za prioritetne reformske promjene u Bosni i Hercegovini, na putu ka Europskoj uniji.
- ⊕ Promociju ljudskih prava, posebno prava žena u cilju njihovog socio-ekonomskog osnaživanja, te aktivnog i jednakopravnog sudjelovanja u procesima donošenja odluka.

**VESTA RADIO** je jedinstven projekt u Bosni i Hercegovini. Kao neprofitna radio stanica koja djeluje u okviru Udruženja Vesta. Vesta Radio omogućava građanima da se njihov glas ne samo čuje već i doprinese demokratskim promjenama u državi.

**Naš tim** je u 2015. godini brojao 7 uposlenih u stalnom radnom odnosu i više od 20 vanjskih saradnika angažiranih u provedbi progamskih aktivnosti.

## PROGRAMSKI SADRŽAJI REALIZIRANI U TOKU 2015. godine

Tokom 2015. godine, Udruženje Vesta je svoje programske aktivnosti usmjerilo na jačanje kapaciteta civilnog društva, promociji demokratskih vrijednosti i slobode medija i jačanje uloge mladih u EU integracijskim i reformskim procesima.

Sljedeći projekti su realizirani u 2015. godini i/ili su još u toku:

- MEDIA CIRCLE - Odgovor građana na klijentelizam u medijima (2013-2017)
- VESTA Resursni centar podržan od TACSO (2014 – 2017)
- EU i TI - Promotivno-edukativni program za studente u BIH (2015)
- Jačanje radija lokalnih zajednica u Bosni i Hercegovini (2015)
- 4 dimenzije mira (2015)

U nastavku slijedi više informacija o svakom od realizovanih projekata.

## "MEDIA CIRCLE" - Odgovor građana na klijentelizam u medijima

"MEDIA CIRCLE" je četvorogodišnji projekat (2013-2017), koji je usmjeren na poboljšanje politika u oblasti slobode medija i uspostavljanja održivih mehanizama za aktivni medijski monitoring i odgovorno pravovremeno djelovanje u zemljama jugoistočne Europe.

**Organizacija Partnerstvo za društveni razvoj iz Hrvatske** je voditelj projekta 'MEDIA CIRCLE', a partneri na projektu su Expert forum iz Rumunije, Udruženje BH novinara i Udruženje Vesta iz Bosne i Hercegovine, BIRN, Srbija, Centar za medija aktivnosti iz Makedonije, Institut za javne politike i Građanska alijansa iz Crne Gore.

Projekat bi trebao doprinijeti poboljšanju nacionalnih i internacionalnih politika u finansiranju medija, transparentnosti i odgovornosti, medijskim slobodama i zaštiti novinara. Očekuje se da će projekat rezultirati i osnaženom saradnjom između medija, javnih institucija i nevladinih organizacija, kao i unparijeđenim kapacitetima medija i OCD na polju monitoringa politika i zastupanja u depolitizaciji medija i smanjenju "klijentalizma" u medijskom prostoru. Projekat finansira Europska Unija.



**Fokus druge godine realizacije projekta je bio usmјeren na sveobuhvatno istraživanje po usklađenoj metodologiji za svih pet zemalja učesnica projekta.**

Kao rezultat višemjesečnog istraživanja provedenog u pet zemalja (Hrvatska, Bosna i Hercegovina, Crna Gora, Makedonija i Srbija), u decembra 2015. godine je predstavljen Indeks klijentelizma u medijima, kojim je po prvi puta ostvarena međudržavna usporedba i nacionalno izvještavanje o stanju klijentelizma i politizacije u medijima, a na temelju empirijskih podataka. Eksperimentalno istraživanje, odnosno nulto mjerjenje Indeksa provedeno je u šest zemalja Jugoistočne Europe (Hrvatska, Bosna i Hercegovina, Crna Gora, Makedonija, Srbija i Rumunska) u okviru ovog projekta. **Klijentelizam** je širok pojam koji se koristi za definiranje "quid pro quo" (ruka ruku mijeh), društvenih, političkih i ekonomskih odnosa definiranih asimetričnom moći između aktera koji sudjeluju u određenom odnosu. U najvećem dijelu Indeks klijentelizma u medijima referira se na evidenciju postojanja regulatornih i institucionalnih barijera negativnom obliku klijentelizma koji prerasta u političku korupciju.

Najbolje pozicionirana zemlja prema mjerenu Indeksu u nultoj tački je Srbija, koja pokazuje značajnu prednost u odnosu na druge zemlje u sljedećim kategorijama: razvijenosti regulatornog i institucionalnog okvira, zaprekama klijenteličkoj praksi te odgovarajućoj dostupnosti i kvaliteti podataka koji se bave pitanjima medija. Hrvatska je na drugom, a Crna Gora na trećem mjestu. Rumunjska se nalazi na sredini ljestvice dok Makedonija te Bosna i Hercegovina imaju negativne rezultate, što ukazuje na određeni stupanj hitnosti u ovim zemljama za preoblikovanjem medijske politike i infrastrukture. Međutim, iako rangiranje govori u prilog situacije u medijima u Srbiji i Hrvatskoj, rezultati mjerjenja pokazuju da su daleko od potrebnih i očekivanih vrijednosti.

Indeks klijentelizma u medijima (MCI) usmjeren je na dokazima utemeljeno utvrđivanje postojanja ograničenja spram klijentelističkih praksi u pojedinim zemljama. Stoga je indeks potrebno gledati kao sredstvo za utvrđivanje političke patologije odnosno nivo odstupanja od univerzalnog načela u prakticiranju društvene moći. Najbolji način vizualizacije Indeksa klijentelizma u medijima (MCI) je vizualizirati odnose i razmjenu moći i usluga između tri aktera: politike, medija i građana. Svaka od ovih skupina ima određenu asimetričnu moć spram druge, koju može koristiti u razmjeni. Kada takva razmjena dovede do odstupanja od univerzalnog načela u prakticiranju moći ili distribuciji resursa, nužno dovodi do ograničenog pristupa resursima za druge aktere, odnosno do nedostupnosti resursa za sve one koji su izvan, na taj način determiniranih odnosa. Stoga Indeks mjeri ograničenja spram klijentelističkih praksi u ostvarivanju ovlasti, odnosno prakticiranju određene društvene moći koju akter posjeduje.

MCI je prije svega alat akterima i donositeljima odluka u području medijskih politika, kako bi im pomogao u oblikovanju odluka koje se temelje na „stvarnosti“. Obzirom da indeks pruža relevantne dokaze za odlučivanje u bilo kojem političkom diskursu, MCI predstavlja konzultacijski alat za sve zainteresirane aktere u području medijskih politika. Indeks klijentelizma u medijima, MCI, je kompozitni indeks utemeljen na četiri parcijalna indeksa od kojih svaki za sebe mjeri različite, ali međusobno povezane kategorije (teme, atribute). Mjerenja su prikazana za svaku od kategorija, kao i kompozitni indeks. Na kraju su determinirane manifestacije mjerenja indeksa u realnosti.

#### Rizici za sve zemlje evidentirani kroz istraživanja:

- ⊕ Visoki rizik izloženosti članova radnih skupina uključenih u izradu medijskih politika (institucionalnog i regulatornog okvira) neopravdanom uticaju (klijentelističkoj praksi) bez stvarnih regulatornih zapreka.
- ⊕ Nema stvarnih barijera usvajanju „klijentelističkih“ zakona.
- ⊕ Finansijski odnosi, odnosno tokovi novca između javnog sektora i medija (uključujući oglašavanje i komercijalne ugovore) ne evidentiraju se na zadovoljavajući način.
- ⊕ Ne postoje stvarne barijere klijentelizmu pri dodjeli bespovratnih sredstava medijima.
- ⊕ Nema jedinstvene obvezne evidencije različitih oblika rada u medijima što dovodi do visoke izloženosti (ovisnosti) novinarske struke spram vlasnika i poslodavaca.
- ⊕ Nema jedinstvene statistike građanskih parnica i kaznenih postupaka protiv novinara i izdavača u područjima klevete, uvrede i javnog sramoćenja.

#### FAIRPRESS.EU – Portal posvećen medijima i javnom interesu

U sklopu projekta pokrenut je i portal Fairpress.eu posvećen medijima i javnom interesu. Fairpress.eu pruža javnosti sistematske i analitičke tekstove o medijima, klijentelizmu u medijima, novinarstvu i javnom interesu. Centralni portal, koji je na engleskom jeziku, objedinjuje nacionalne portale šest zemalja koje učestvuju u projektu (BiH, Hrvatska, Crna Gora, Makedonija, Srbija i Rumunija). Na portalu se osim analitičkih članaka, objavljaju i istraživačke priče. Na portalu za BiH ([www.fairpress.eu/ba](http://www.fairpress.eu/ba)) su dostupni tekstovi o stanju medejske scene.



## VESTA Resursni centar podržan od TACSO

Projekat Tehničke pomoći organizacijama civilnog društva (TACSO) započeo je partnerstvo sa Udruženjem VESTA (Lider konzorcija Udruženja Vesta i Udruženja trenera u BiH) u Bosni i Hercegovini s ciljem osiguranja održivosti funkcija TACSO-a nakon što projekat bude završen u 2017. godini. VESTA je od oktobra 2014. domaćin TACSO-u u svojim uredima u Sarajevu i Tuzli. Partnerstvo u Bosni i Hercegovini je dio procesa koji se odvija i u Albaniji, na Kosovu, u bivšoj Jugoslovenskoj Republici Makedoniji, Crnoj Gori, Srbiji i Turskoj.

Europska unija podržava projekat Tehničke pomoći organizacijama civilnog društva (TACSO) od 2009. godine u sklopu mehanizma Podrška civilnom društvu (Civil Society Facility - CSF), s ciljem izgradnje snažnog civilnog društva te podsticanja okruženja i kulture u zemljama Zapadnog Balkana i u Turskoj, koji omogućavaju nesmetan razvoj i jačanje civilnog društva. Resursni centri će pratiti nacionalne TACSO uredre u implementaciji Projekta sve do njegovog završetka, te dobijati podršku u izgradnji kapaciteta za organizacioni razvoj te primjereni vođenje u cilju poboljšanja obima usluga prema organizacijama civilnog društva.

### Ključne aktivnosti TACSO programa u kojima VESTA resursni centar participira su:

- Aktivnosti direktnе informativno-savjetodavne podrške OCD kroz TACSO *help desk*
- Akcije na povećanju vidljivosti OCD-a
- Podrška EU programiranju, smjernicama i monitoringu u BiH
- Fasilitacija saradnje između vladinih institucija i civilnog društva
- Organizacija treninga i mentorske podrške
- Organizacija informativnih događaja povezanih sa EU politikama, EU pozivima za projekte i sličnim događajima
- Organizacija događaja P2P (Ljudi ljudima) uz učešće više zemalja korisnika programa.
- Realizacija događaja usmjerenih na intresektoralnu i tematsku saradnju
- Podrška uključivanju relevantnih aktera iz BiH na TACSO regionalne događaje

Uz brojne zajednički realizirane aktivnosti tehničke asistencije organizacijama civilnog društva u zemlji i kontinuiranu saradnju u realizaciji TACSO 2 programskih aktivnosti sa TACSO BH uredom, posebno izdvajamo VESTA RC najznačajnije aktivnosti u 2015. godini, koje se odnose se na realizaciju serijala obuka u oblasti upravljanja projektnim ciklusom, organizaciju konferencije *EU Smjernice za podršku civilnom društvu 2014-2020 – Uvod u monitoring u BiH* i provedbu obuka usmjerenih na organizacioni razvoj OCD sa fokusom na odgovorno i transparentno upravljanje.

TACSO VESTA je realizirao ciklus od 5 treninga iz oblasti **Upravljanja projektnim ciklusom** u periodu od maja do jula mjeseca 2015. godine, **na lokacijama u Istočnom Sarajevu, Lukavcu, Kotor Varoši, Cazinu i Orašju** uz učešće 54 OCD i 103 predstavnika organizacija civilnog društva koje djeluju na području cijele BiH i geografski gravitiraju navedenim lokacijama.

Specifični cilj treninga je bio usmjeren na unapređenje znanja i vještina predstavnika organizacija civilnog društva, u upravljanju projektima sa fokusom na pripremu logičkog okvira i budžeta u EU aplikaciji.

Tokom treninga učesnicima su predstavljeni slijedeći sadržaji:

- Faze upravljanja projektnim ciklusom
- Osnovni format EU aplikacije
- Matrica logičkog radnog okvira

- EU format budžeta projekta
- Primjer pripremljenog logičkog radnog okvira i koresponidirajućeg budžeta(EU format)

U cilju kreiranja prostora za snažniji razvoj unutar same organizacije u oblasti upravljanja projektima, TASCO BiH je osigurao mogućnost za učešće po dva predstavnika iz svake od organizacija koja je ispunila kriterije javnog poziva, posebno kriterij koji se odnosi na nepostojanja ranijeg iskustva u EU finansiranim projektima.



Trening je ocijenjen vrlo uspješnim sa aspekta usvajanja dodatnih znanja o fazama projektnog ciklusa, unapređenja razumijevanja standardne EU aplikacije, procesa pripreme matrice logičkog radnog, kao i razumijevanje budžetskog formata EU. Učesnici su posebno pozitivnim ocijenili značaj predstavljenih konkretnih primjera i naučenih lekcija u realizaciji EU finansiranih projekata. Tokom evaluacije učesnici su izrazili iznimnu potrebu za višednevnom obukom u ovoj oblasti što ukazuje na prostor za djelovanje prema manje razvijenim OCD i u naredom periodu.

**Konferencija „EU Smjernice za podršku civilnom društву 2014-2020 – Uvod u monitoring u BiH“** u organizirana u oktobru 2015. g. u Sarajevu predstavlja jedan od značajnijih partnerskih događaja u organizaciji TACSO BIH i TACSO VESTA. Na konferenciji je učestvovalo 67 učesnika među kojima su bili zvaničnici Evropske unije, predstavnici državnih, entetskih vlada, vlade Brčko Distrikta, relevantnih vladinih institucija i agencija u BiH, OCD u Bosni i Hercegovini, te predstavnici međunarodnih organizacija i projekata.

Konferencija je imala za cilj doprinijeti:

- Uspostavljanju platforme za harmonizovanu poruku o važnosti procesa monitoringa EU Smjernica i vrednovanja izvora informacija koji će se koristiti do 2020. godine.
- Procjeni promjena u okruženju u naredne dvije godine i pokazatelja koje je moguće pratiti i načina kako iste mjeriti.
- Zajedničkom informisanju svih ključnih sudionika i OCD o EU Smjernicama za podršku civilnom društvu.

Ključna očekivanja od konferencije su bila usmjerena na razumijevanje dokumenta „EU Smjernice za podršku civilnom društvu 2014-2020“ na svim administrativnim nivoima u BiH i na upoznavanju svih ključnih aktera, OCD i vladinih institucija sa procesom monitoringa EU Smjernica za podršku civilnom društvu 2014-2020.

U prvom dijelu Konferencije prisutnima su omogućene informacije i uvid u regionalni i nacionalni značaj Smjernica, kao i ispunjavanje preduslova za početak monitoringa u BiH. U drugom dijelu Konferencije učesnici su se upoznali sa definisanim ciljevima i referentnim pokazateljima Smjernica, kao i utvrđenim pokazateljima za regiju Zapadnog Balkana i Turske, te su u grupama radili na procjeni mogućnosti praćenja indikatora Smjernica za BiH u naredne dvije godine.



Na osnovu rezultata Konferencije, partner u implementaciji, TACSO VESTA će narednih godina pratiti promjene u okruženju, objedinjavati podatke te pripremati sažetak za godišnji izvještaj o napretku BiH ka Europskoj uniji.

U periodu oktobar – decembar 2015. godine TACSO VESTA je proveo i obuke u vidu treninga i direktnih konsultacija za ukupno 26 OCD-a na temu „**Organizacioni razvoj sa fokusom na odgovorno i transparentno upravljanje**“. Obuka se odvijala na četiri lokacije izvan većih centara i to u **Visokom, Trebinju, Širokom Brijegu i Zvorniku** uz učešće 42 predstavnika iz 26 OCD. Cilj obuke je bio unapređenje kompetencija predstavnika organizacija civilnog društva u upravljanju organizacijom, razumijevanju razvojnih koncepata i primjeni odgovarajućih modela za vlastiti organizacioni razvoj. Specifični cilj je bio usmjeren na usvajanje znanja i vještina u primjeni metodologije integrisanog organizacijskog razvoja (IOM) koji će omogućiti veći nivo programske i finansijske transparentnosti, učinkovitog i odgovornog djelovanja prema članovima, korisnicima, osnivačima, javnosti i drugim ključnim akterima.



Trening i direktne konsultacije su provedene u sklopu paketa tehničke podrške TACSO BiH organizacijama civilnog društva i zasnovane su na nalazima Izvještaja o procjeni potreba OCD u BiH za period 2013-2015, Radnim planom TACSO BiH za 2015. godinu, kao i EU Smjernicama za podršku civilnom društву 2014-2020.

**Kao rezultat provedene obuke,** urađeno je 26 analiza na osnovu Integrisanog organizacionog modela. Analiza je obuhvatila interne aspekte organizacije: Misiju, Ulagane resurse, Izlaze/Usluge/Proizvode kojima rezultira djelovanje organizacije, Strategiju, Strukture, Sisteme i Procese, te Menadžment stil, Osoblje i Kulturu organizacije. Analiza je uključila i generalno i specifično okruženje, faktore i aktere koji utiču na djelovanje organizacije. Također je razvijeno i 26 Akcionalih planova (karakteristične planirane akcije OCD na unapređenju transparentnosti i odgovornosti).

## "Jačanje radija lokalnih zajednica u Bosni i Hercegovini"



Provedena inicijativa **Jačanje radija lokalnih zajednica u Bosni i Hercegovini** je imala za cilj unapređenje tehničkih kapaciteta Vesta Radija, kao i razmjenu iskustava sa drugim radio stanicama lokalnih zajednica. Projektne aktivnosti su uključile razvoj nove web stranice "VestaRadio" sa web streamingom i online alatima za obuku u upravljanju radio stanicama lokalnih zajednica. Projekat je omogućio mentorske konsultacije u oblasti građanskog novinarstva, kao i aktivnosti organizovanja okruglog stola i konsultacija koje su okupile predstavnike drugih zainteresiranih lokalnih radio stanica u BiH. Podršku realizaciji projekta je osigurana od strane kanadske organizacije [WACC](#).

Direktni korisnici ovog projekta su bili predstavnici marginaliziranih grupa građana i mladi, čiji problemi su osvijetljeni na način da sami kao građani učestvuju u produkciji i emitovanju radio sadržaja. Građansko novinarstvo je, i pored brojnih nedoumica, vrlo konkretni vid razvoja savremenog društva, koje kroz različite komunikacijske kanale rasvjetljaju sve pojave u društvu u kojem živimo. Medijskim populariziranjem problema lokalne zajednice i aktualiziranjem pitanja od interesa za građane pred donosiocima odluka, Vesta Radio u saradnji sa drugim radiostanicama i građanima, podstiče unaprijeđenje životnih uslova u lokalnim zajednicama. Za razliku od komercijalnih medija, Vesta radio intenzivno producira i emisije od društvenog značaja. Teme od posebnog interesa za razvoj društva su uglavnom iz oblasti socijalne zaštite i ljudskih prava u skladu sa evropskim i svjetskim konvencijama. Vesta Radio je prepoznatljiv i po tome što pruža priliku mladim i neafirmisanim građanima Tuzle da stanu iza radijskog mikrofona. Pa tako, građani nakon kraće obuke, samostalno realiziraju radio emisije od posebnog interesa za određenu interesnu grupu.



Uz podršku WACC-a tokom realizacije projekta je održan i sastanak lokalnih radio stanica o temi "Upravljanje radio stanicom lokalne zajednice" u maju 2015. godine. Sastanku su prisustvovali predstavnici "Community" radio stanica iz BiH: Gradska radio Banja Luka, Radio Aktiv iz Zenice, Radio Marija i Vesta Radio. Cilj sastanka je bio da se sagledaju izazovi upravljanja lokalnim radio stanicama i mogućnosti da se zajedničkim snagama promoviraju aktivnosti trećeg sektora doprinese većoj vidljivosti i kvalitetnije podršci za razvoj radija lokalne zajednice u Bosni i Hercegovini.



Projekt je omogućio i organizaciju Okruglog stola na temu 'Uloga neprofitnih radio stanica u osiguravanju prava na komuniciranje u procesu EU integracija' održanog u Sarajevu, decembra 2015. godine. Pažnja je posvećena pravu na komuniciranje u procesu europskih integracija i ulozi građana u izgradnji europskih vrijednosti u BiH. Učesnici okruglog stola su bili predstavnici Regulatorne agencije za komunikacije, Direkcije za europske integracije, BH Novinari, organizacije civilnog društva, predstavnici lokalnih radio stanica i dr. Udruženje Vesta je skrenulo pažnju na to koliko je pravo na komuniciranje važno u procesu europskih integracija. Pravo na komuniciranje omogućava ljudima da se izraze individualno i kolektivno putem različitih medija. Od vitalnog značaja je za puno sudjelovanje u razvoju društva i nadilazi slobodu mišljenja i izražavanja, jer uključuje područja kao što su demokratsko upravljanje medijima, medijsko vlasništvo i kontrolu, kulturne raznolikosti, pravo na jezik i prava na obrazovanje, privatnost, mirno okupljanje i samoodređivanje.

Institucionalna podrška WACC-a je osigurala dva održiva elementa; novi vid komunikacije sa slušateljima putem web stranice: [vestaradio.ba](http://vestaradio.ba) i pristup *on line* trening modulima usmjerenim na jačanje kapaciteta u upravljanju *Community* radio stanicama.

**Budite dio našeg tima i zaplovite valovima Vesta Radija na frekvenciji 91.2 MHz.**

### **Promotivno-edukativni program za studente u BIH „EU i TI“**

Promotivno-edukativni program za studente u BIH „EU i TI“, realizovan se pod pokroviteljstvom Ureda Specijalnog predstavnika EU u BiH. Program se provodio u periodu decembar 2014. – juli 2015. i istim je bilo obuhvaćeno oko 600 studenata sa osam javnih i jednog privatnog univerziteta.

Cilj programa bio je povećanje znanja i interesa studenata za specifična pitanja relevantna za EU integracije i poticaj njihovom većem učešću u aktivnostima usmjerenim na ubrzavanje procesa pristupanja BiH porodici Evropske unije i izgradnji prosperitetnog i stabilnog društva. Program je osnažio saradnju između bosanskohercegovačkih univerziteta i Ureda Specijalnog predstavnika EU u BiH, kao i međusobnu saradnju između bh. univerziteta u nastojanju da se promovira i integrira EU agenda u univerzitetske curriculume.

Sam program je podrazumijevao aktivnosti usmjerene na organizovanu posjetu studenata odabranih univerziteta Delegaciji Evropske Unije u BiH/Uedu Specijalnog predstavnika EU u BiH, pripremu i realizaciju dvodnevнog debatnog takmičenja i organizovanje edukativne posjete Briselu za pobjednike debatnog takmičenja. Program je u saradnji sa svim uključenim akterima osigurao prepostavke za dodatni impuls i novu energiju reformskim procesima BiH na putu ka EU integracijama.

Blizu 600 studenata je kroz organizovanih 12 posjeta bilo u sjedištu EU u Sarajevu, gdje su sa zvaničnicima Europske unije razgovarali o perspektivi BiH u EU, postavljali brojna pitanja i istraživali mogućnosti za aktivnije uključivanje mladih u proces europskih integracija.



#### **Debatno takmičenje u okviru inicijative „EU i Ti“**

Ukupno 22 studenta sa Sveučilišta u Mostaru, Univerziteta u Bihaću, Univerziteta u Banja Luci, Univerziteta Džemal Bijedić u Mostaru, Univerziteta u Sarajevu, Univerziteta u Tuzli, Univerziteta u Zenici, Univerziteta Istočno Sarajevo sa Medicinskim fakultetom iz Foče, Univerzitetskim centrom iz Bijeljine, Ekonomskim fakultetom iz Brčkog i Internacionalnog Burch Univerziteta sudjelovali su na debatnom takmičenju koje je održano u Sarajevu, od 3. do 4. juna 2015. Tokom prvog dana takmičenja svih 11 studentskih timova su se svojim prezentacijama natjecali u temama koje se odnose na trenutnu socio-ekonomsku situaciju i položaj mladih u BiH. Tokom drugog dana, šest polufinalista univerzitetskih i fakultetskih timova, podijeljeni na afirmacijske i negacijske timove, u okviru kojih su debatirali o temama koje uključuju Sporazum za rast i zapošljavanje, Sporazum o stabilizaciji i pridruživanju, aktivnostima mladih u reformskim procesima kao i položaju BiH u EU integracijskom procesu. Svi natjecatelji su pokazali visok nivo znanja i posvećenosti EU integracijskom procesu, a sudijsko vijeće je kao najbolji afirmacijski i negacijski tim proglašilo debatne timove sa Univerziteta u Banja Luci i Univerzitetskog centra Bijeljina, Univerzitet u Istočnom Sarajevu. Priznanja o sudjelovanju studentima je uručio lično dr. Renzo Daviddi, zamjenik šefa Delegacije EU u BiH.



#### **Najbolji debatanti posjetili institucije EU u Briselu i prezentirali zaključke sa debatnog takmičenja EU i Ti**

Nakon završenog debatnog takmičenja, 17 studenata iz cijele Bosne i Hercegovine, od 15. do 19. juna 2015. godine, boravili su u Briselu. Studenti su imali priliku da predstave svoja promišljanja i zaključke sa debatnog takmičenja, koje se fokusiralo na proces europskih integracija i teme koje se odnose na reformsku agendu i Sporazum za rast i zapošljavanje, zvaničnicima Glavne uprave za susjedsku politiku i pregovore o proširenju Europske komisije u Briselu.

Takođe, u cilju ohrabivanja studenata da se i dalje lično usavršavaju kao debatanti, organizovana je i posjeta Europskom Parlamentu. Posljednjeg dana posjete Briselu, studenti su se susreli sa predstavnicima AEGEE, jedne od najvećih europskih interdisciplinarnih studentskih neprofitnih organizacija, čija je misija da osnaže studente i mlade ljude u Europi da imaju aktivnu ulogu u društvu.



## „4 dimenzije mira“

„4 dimenzije mira“ predstavljaju inicijativu koju je proveo Francuski Institut u Bosni i Hercegovini uz podršku Francuske Ambasade. Udruženje VESTA je jedna od četiri lokalna partnera u BIH, organizatora **Forum-a „Obrazovanje, zapošljavanje i socijalna uključenost - putevi ka održivom društvenom miru“**. Forumi su održani u Brčkom, Banja Luci, Mostaru i Tuzli. Jedan od ciljeva Forum-a bio je prevazilaženje nerazumijevanja koje je posljedica razlika u obrazovanju, profesionalnoj orijentaciji, vještinama, fizičkim mogućnostima, polovima ili godinama. Tokom Forum-a prisutni su imali priliku pogledati video u kojem su intervjuirani govorili o raznim aspektima obrazovanja, zapošljavanja i tržišta rada u kontekstu socijalnog mira. Tokom rasprave izrečena su brojna poticajna promišljanja i ideje uz zaključak da bez obzira na nedostatak institucionalne podrške, moramo nastaviti sa borbom za ljudsko dostojanstvo i pravo na rad. Zadovoljni pojedinci su temelj stabilnog i mirnog društva. Učesnici su tokom Forum-a imali priliku da učestvuju u jednoj od četiri radionice na kojima su izrađivali unikatne poklone i predmete koji su postali sadržaj Kutije mira (*Peace Box*), koja je otvorena na centralnom i završnom događaju projekta "4 dimenzije mira" održane u Sarajevu, u julu 2015. godine, u organizaciji Francuskog instituta.



---

## Finansijska bilješka

Ukupni budžet Udruženja VESTA u 2015. godini je iznosio 354.211 KM. Bilans stanja i uspjeha Udruženja VESTA za programsку 2015. godinu dosupan je na ovom [linku](#).

Vanjske revizije projekata se provode u skladu sa ugovornim obavezama i potvrđuju profesionalno finansijsko poslovanje Udruženja.